

摘藻堂四庫全書薈要

子部

欽定四庫全書薈要

子部

欽定授時通考卷六十一

四三



詳校官主事臣陳木

欽定四庫全書薈要卷一萬七百二十六

子部

欽定授時通考卷六十三

農餘



果一

梅

杏

桃

李

梨棣 棣榘 榘停

棠梨沙棠 棣

櫻桃白櫻桃 山櫻桃

楊梅

枇杷

柰

林檎

蘋果

山楮

枳椇

葡萄

梅



# 梅

梅一名蓀實似杏大者如小兒拳小者如彈熟則黃微甘酸可啖生純青酸甚多食泄津液生痰損筋蝕脾傷腎弱齒為脯舍之口香造煎堪久子赤者材堅白者材

脆種類不一白者有綠萼梅

實大五月熟

重葉梅

結實多雙

消梅

實甘青止可生啖雖酢甚鬆脆多液無滓花重者實小單者大不宜熟亦不堪煎造

冠城梅

實甚大五

月熟時梅

實大五六月熟

早梅

四月熟

冬梅

實小十月可用不能熟

紅者有鶴

頂梅

實大而紅

鴛鴦梅

梅譜云即多葉紅梅也結實必雙凡雙果必雙蒂惟此一蒂而結雙梅尤

異

雙頭梅

或結並蒂小實不堪啖

杏梅

實扁而斑味似杏

異品有冰梅

實吐

自業罽不花色如冰玉無核舍之自融如冰佳品也

范成大梅譜江梅

子小

具區

志洞庭諸山有吐花酸

實小味酸方吐花即可啖

脆梅

一名時裏梅實圓而大可

以蜜漬及蒸餹

禮記內則桃諸梅諸卵鹽

疏桃諸梅諸卵鹽者言食桃諸梅諸之時以卵鹽和之王肅云諸菹也謂桃菹梅菹即今之藏桃也藏梅也欲藏之時必先稍乾之故周禮謂之乾蓀



夏小正五月煮梅為豆實

齊民要術梅實小而酸核有齏文杏實大而甜核無文  
采梅任調食及齏杏則不任此用世人或不辨言梅杏  
為一物失之遠矣

杏



杏

杏一名甜梅樹大實多形如彈丸有大如梨者生酢熟

甜性熱生痰及癰疽不宜多食小兒產婦尤忌種類不

一有金杏

圓而黃熟最早味最勝一名漢帝杏謂武帝上林苑遺種也大如梨黃如摘出濟南白

杏

熟時色青白或微黃味甘淡而不酢出榮陽

沙杏

甘而多汁即世所稱水杏也

梅杏

黃而

帶酢奈杏

青而帶黃出鄆中

金剛拳

赤大而扁肉厚味佳甚又名肉杏

山杏

肉薄不堪

食但可收仁用

巴旦杏

一名八擔杏出回回地今關西諸處皆有葉差小實小而肉薄核如梅皮薄而

仁清甘鮮者尤脆

又有赤杏黃杏

廣志云出鄆中

蓬萊杏

美稱果之佳者

格物叢話杏實味香於梅而酸不及核與肉自相離其仁可入藥

羣芳譜種桃樹接杏結果紅而且大又耐久不枯

文獻通考杏多實不蟲者來年秋禾善五木者五穀之先欲知五穀但視五木故五果分五行所以表五穀又按五果之義夏之果莫先於杏五時之首寢廟必有薦而此杏適丁夏之時故特取之杏之枝葉華果皆赤故古者鑽燧夏取棗杏之火也



桃



# 桃

桃實甘子繁故字從木從兆性酸甘熱可食多食令人有熱能發丹石毒生桃尤不宜多食有損無益性早實

三年便結子五年即老結子便細十年必死以皮緊也

若四年後用刀自樹本豎剗其皮至生枝處使膠盡出

則多活數年種類頗多有崑崙桃

一名王母桃一名仙人桃一名冬桃出洛

中味 甘美 扁桃

出波斯國形扁肉澀不堪食核狀如盒高五尺葉似桃而潤大三月開白花

花 落結實如桃彼地名波淡樹仁甘美番人珍之北戶錄云形如半月狀出占卑國新羅桃子可食性

熟

方桃

形微方

餅子桃

狀如香餅味甘

油桃

小於衆桃有赤斑點光如塗油花多子少

不堪噉惟取仁出汁中

巨核桃金桃

形長色黃如金肉黏核多蛀熟遲用柿接者味甘色黃

銀桃

形圓色青肉不黏核其皮光澤如李一名光桃

十月桃

形圓色青肉黏核味甘酸十月中成

熟一名古冬桃又名雪桃按爾雅云龍冬桃疏云桃子冬熟者不旋當即此也

毛桃

即爾雅所謂�挑小

而多毛核黏味惡不堪食其仁充滿多脂可入藥

水蜜桃

獨上海有之而顧尚寶西園所出尤佳其

味亞于生荔枝

雷震紅

張七澤云每雷雨過輒見一紅暈最為難得

他如紅桃緗桃

白桃烏桃皆以色名五月早桃秋桃霜桃皆以時名臘

脂桃絡絲桃皆以形名王敬美有言桃種最多金桃蜜



桃灰桃之類多植園中取果壽星桃樹矮而花能結大  
桃亦奇種可玩桃殊不堪食客燕雜記京師中佳果有  
紅桃白銀桃小桃蟠桃合桃酒紅桃霜下桃肅寧八月  
桃

禮記內則桃曰膽之

疏桃多毛拭治去毛令色青滑如膽也或曰膽謂苦  
桃有苦如膽者擇去

周禮饋食之籩其實桃

夏小正六月煮桃傳桃也者施桃也施桃也者山桃也  
煮以為豆實也

埤雅諺曰白頭種桃又曰桃三李四梅子十二言桃生  
三歲便放花果早於梅李故首雖已白其花子之利可  
待也

種樹書桃樹接李枝則紅而甘梅樹接桃則脆桃樹接  
杏則大桃熟時牆面暖處寬深為坑收濕牛糞納坑中  
收好桃核十數枚尖頭向上坑中糞土蓋厚一尺深春

芽生和土種之

羣芳譜凡種桃淺則出深則不生故其根淺不耐旱而易枯近得老圃所傳云於初結實次年斫去其樹復生又斫又生但覺生虱即斫令復長則其根入地深而盤結固百年猶結實如初又桃實太繁則多墜以刀橫斫其幹數下乃止又社日舂根下土持石壓樹枝則實不墜桃子蛀者以煮猪首汁冷澆之或以刀疎斫之則穰出而不蛀如生小蟲如蚊俗名蚹蟲雖洞汙灑之不能

盡除以多年竹燈檠掛懸梢間則蟲自落甚驗



李



# 李

李一名嘉慶子

爾雅翼云李木之多子者故從子本草云木之多子者多矣何獨李稱多子耶

按素問言李味酸屬肝東方果也則李於五果屬木故得專稱爾

實有離核合核無核

之異小時青熟則各色有紅有紫有黃有綠又有外青

內白外青內紅者大者如杯如卵小者如彈如櫻其味

有甘酸苦澀之殊性耐久樹可得三十年雖枝枯子亦

不細種類頗多有麥李南居李季春李木李御黃李均

亭李擘李儵李中植李趙李御李赤李冬李離合李皆

李之特出者他如經李杏李黃扁李夏李名李縹青李  
建黃李青皮李赤陵李馬肝李牛心李紫粉李小青李  
水李扁縫李金李鼠精李合枝李奈李晚李之類未可  
悉數建寧者甚甘今之李乾皆從此出

爾雅棗李曰蠹之

疏謂治棗李皆去其蠹蠹者祇也

羣芳譜移栽春月取近根小條栽之離大樹遠者不用  
待長移之別地性喜開爽宜稀栽南北成行率兩步一



株太密聯陰則子小而味不佳樹下勤去草而不可耕  
耕則樹肥而無實 嫁李正月一日或十五日以磚石  
著李樹岐中則實繁又臘月中以杖微打樹岐間正月  
晦日復打可令足子又法以煮寒食醴酪火樛著樹間  
亦良或曰桃樹接李則生子甘紅

梨



梨

梨一名果宗一名快果一名玉乳一名蜜父北地處處有之南方惟宣城為勝二月開花上巳日無風則結梨必佳有二種瓣圓而舒者果甘缺而皺者味酸果圓如

榴頂微凹無尖瓣性甘寒無毒潤肺涼心消痰降火解

瘡毒酒毒乳梨

本草云又名雪梨出宣城皮厚肉實味長

鶯梨

本草云又名錦梨出河之

南北皮薄漿多味頗短香則過之

二梨皆入藥其餘水梨赤梨茅梨禦

兒梨紫糜陽城夏梨秋梨種類非一他如紫香水梨

本草

云又名消梨出北地最爲上品

張公夏梨

廣志云出洛陽北邙海內惟有一株

廣都梨鉅

鹿豪梨

廣志云重六斤數人分食之

鉅野梨新豐箭谷梨關西谷中

梨

廣志云關以西京兆右扶風界諸谷中梨率多供御

味色香種種奇絕未可悉

數本草紫花梨

療心熱耳目記武宗時青城山邢道士以青丹兩粒取梨汁進之曰太白南溪

紫花梨也壽春公主于真定得一株及秋實手選而進之

含消梨

三輔黃圖漢武帝御宿園出大梨如

五升瓶落地則破其取梨先以布囊承之號曰含消

真定御梨

魏文帝詔真定郡梨大若拳甘若蜜

脆若菱可以解煩釋悃

禮記內則柰梨曰攢之

疏攢之者鑽治其蝨處也

爾雅梨山橘

疏此果在山之名則曰橘人植之曰梨

種樹書桑上接梨則脆而甘美

羣芳譜種梨梨熟時埋之經年至春生芽次年分栽溉以肥水至冬葉落附地刈之以炭火燒頭二年即結子若魯生及種而不栽則結子遲每梨百十餘子惟二子生梨餘皆生杜又栽梨春分前十日取旺梨筭如拐樣

截其兩頭火燒鐵器烙定津脈卧栽於地即活

又接梨取棠杜臂以上者大者接五枝小者二三枝梨  
葉微動為上時欲開芽為下時先作麻紉纏十數匝以  
小利鋸截杜令離地五六寸將原幹用利刃貼皮剝開  
尖竹籤刺入皮木之際令深一尺許預取結梨旺嫩枝  
向陽者長五六寸削如馬耳名曰梨貼用口含少時以  
借其氣插入杜樹孔中大小長短削與所刺等拔去竹  
籤即插梨貼至所探處緊縛勿動搖以綿裹杜樹頂封

熟泥于上以土培覆令梨僅出頭仍以土壅四畔當梨上沃水水盡以土覆之務令堅密梨枝甚脆培土時須謹慎若著掌則芽折梨貼須去黑皮勿傷青皮傷青皮則不活梨既生杜旁有葉即去之勿分其力月餘自發長即生梨梨生用箬包裹勿為象鼻蟲所傷又云凡接梨園中用旁枝葉得四散庭前用中心取其枝幹直上用根邊小枝樹形可喜五年方結子用鳩根老枝三年即結子但樹醜若遠道取貼根下燒三四寸可行數百

里猶生又藏梨初霜即收多經霜不能至夏於屋下掘  
深窖坑底無令潤濕收梨在中不須覆蓋便可經夏摘  
時須好接勿令損傷物類相感志梨與蘿蔔相間收或  
削梨蒂種于蘿蔔內藏之皆可經年不爛本草就樹上  
以囊包裹過冬乃摘亦妙

槎附

爾雅槎蘿

注今陽槎也實似梨而小酢可食



陸璣詩疏棣一名赤蘿一名山梨也今人謂之陽棣實似梨但小耳一名鹿梨一名鼠梨

本草李時珍曰山梨野梨也處處有之梨大如杏可食其木文細密赤者文急白者文緩

櫨附

櫨一名和圓子一名木桃處處有之孟州特多小於木瓜更酢澀色微黃蒂核皆粗核中之子小而圓味劣於梨與木瓜而入蜜煎湯則香美過之去惡心咽酸止酒

痰黃水功與木瓜相近

禮記內則柶梨薑桂

注柶梨之不臧者

風土記柶梨屬內堅而香

榘梲附

榘梲似榘子而小氣香辟衣魚樹如林檎花白綠色味甘食之宜淨洗去毛恐損肺不宜多食同車螯食發疝氣

述異記江淮南至北見楡梓以為楸子  
羣芳譜楡梓出關陝沙苑者更佳



棠梨



棠梨

棠梨實如小棟子霜後可食其樹接梨甚佳處處有之  
有甘酢赤白二種

爾雅杜甘棠

注今之杜梨

又杜赤棠白者棠

疏赤者為杜白者為棠

鄭康成毛詩箋北人謂之杜梨南人謂之棠梨

通志甘棠謂之棠梨又海棠子名海紅爾雅赤棠也狀如木瓜而小二月開花八月熟

陸璣詩疏甘棠與赤棠同耳但子有赤白美惡白棠甘棠也子多酸美而滑赤棠子澀而酢木理亦赤可弓材本草牝曰杜牡曰棠或云澀者杜甘者棠杜者澀也棠者饴也

齊民要術棠熟時收種之否則春月移栽八月初天晴時摘葉薄布曬令乾可以染絳

必候天晴時少摘葉乾之復晴則摘慎勿頓收

若遇陰雨則澁  
澁不堪染絳也

成樹之後歲收絹一百疋

亦可多種利  
乃勝桑也

### 沙棠

附

山海經崑崙之丘有木焉其狀如棠黃華赤實其味如  
李而無核名曰沙棠可以禦水食之使人不溺本草今  
嶺外寧鄉瀧水羅浮山中皆有之

### 棣

附

棣一名郁李一名鬱李一名爵李一名車下李一名鬱  
梅一名爵梅山野處處有之花及子並似木李惟子小

如櫻桃熟赤色五月熟可食又可入藥

陸璣詩疏許慎曰鬱白棣樹也如李而小正白又有赤棣樹亦似白棣葉如刺榆而嫩圓子正赤

羣芳譜性潔喜暖日和風澆宜清水忌肥核仁氣味甘苦酸平而潤無毒治大腹水腫面目四肢浮腫利小便通水道消宿食下結氣宣大腸氣澀滯燥瀉不通





櫻桃



# 櫻桃

櫻桃

本草衍義云以其形肖桃故曰櫻桃綱目云其類如櫻珠故謂之櫻

一名楔一名荆

桃

爾雅云楔荆桃注云今櫻桃最大而甘者謂之崖蜜

一名牛桃一名英桃

見博物志

一名鶯桃一名含桃

說文云鶯桃鶯鳥所食故又曰含桃

一名朱櫻

陶弘景本

草經注云櫻桃即今朱櫻

埤雅云其類大者如彈丸小者如珠璣生

時青及熟色鮮瑩深紅者為朱櫻紫色皮內有細點者

為紫櫻味最珍重又有正黃明者謂之蠟櫻小而紅者

謂之櫻珠味皆不及極大者有若彈丸核細而肉厚尤

難得膳夫錄云大而殷者曰吳櫻桃黃而白者曰櫻桃小而赤者曰水櫻桃味甘無毒調中益氣美志止洩精水穀痢令人好顏色多食令人吐有暗風及喘嗽濕熱病人忌食小兒尤忌

禮記月令羞以含桃先薦寢廟

疏案月令諸月無薦果之文此獨羞含桃者以此果先成異於餘物故特記之

山家清供結實時須張網以驚鳥雀置葦箔以護風雨

若經雨則蟲自内生人莫之見用水浸良久則蟲皆出  
乃可食

羣芳譜種植二三月間分有根枝栽土中糞澆即活仍  
記陰陽否則不生即生亦不結實

白櫻桃

附

因樹屋書影白櫻桃生京師西山中微酸不及朱櫻之  
甘碩也

山櫻桃

附

本草山櫻桃一名朱桃一名麥櫻一名英豆一名李桃  
樹如朱櫻但葉尖長不團子小而尖生青熟黃赤亦不  
光澤而味惡不堪食味辛平無毒



楊梅





# 楊梅

楊梅一名杔子生江南嶺南山谷間會稽產者為天下冠吳中楊梅種類甚多名大葉者最早熟味甚佳本出苕溪移植光福山中尤勝又次為青蒂白蒂及大小松子此外味皆不及樹若荔枝葉細青如龍眼及紫瑞香本草云楊梅樹葉冬月不凋二月開花結實形如楮實子肉在核上無皮殼五月熟生白熟則有白紅紫三色紅勝於白紫勝於紅凡楊梅顆大核細為上鹽藏蜜漬

糖置火酒浸皆佳可致遠多食令人傷熱食核中仁可解味酸甘微熱滌腸胃除煩憤惡氣久食損齒及筋發瘡致痰

羣芳譜種植性宜山地核投糞池中浸六月取出收潤土中三月鋤地種之待長尺許次年移栽三四年後以生子枝接之次年仍移栽山地多留宿土臘月內離根四五尺於高處開溝灰糞壅之不宜著根每遇雨肥水滲下則結子大而肥

物類相感志桑樹接楊梅則不酸樹上生癩以甘草釘  
之則去



枇杷



# 枇杷


枇杷樹高大餘易種肥枝長葉微似栗大如驢耳背有黃毛形如枇杷故名陰密婆娑可愛四時不凋冬開白花三四月成實簇結有毛大者如雞子小者如龍眼味甘而酢白者為上黃者次之皮肉薄核大如茅栗相傳枇杷秋萌冬花春實夏熟備四時之氣他物無與類者襄漢吳蜀淮揚閩嶺江西湖南北皆有廣志云無核者名焦子出廣州味甘酸平無毒止渴下氣利肺氣止吐

逆潤五臟主上焦熱可克果食多食發痰傷脾同炙肉  
及熱麵食患熱黃疾花治頭風鼻流清涕木白皮止吐  
逆不下食葉治肺胃病取其下氣氣下則火降痰順而  
逆嘔欬渴皆愈

學圃餘疏枇杷出東洞庭者大自種者小然却有風味  
獨核者佳蓋他果須接乃生獨此果直種之亦能生也  
物類相感志枇杷不宜糞



柰





# 柰

柰一名頻婆與林檎一類而二種江南雖有西土最豐  
樹與葉皆似林檎而實稍大味酸微帶澀可栽可壓白  
者為素柰赤者為丹柰亦曰朱柰青者為綠柰皆夏熟  
本草涼州有冬柰冬熟子帶碧色性寒多食令人肺家  
膨脹病人尤甚

廣志西方多柰家家收切曝乾作脯十百斛以為蓄積  
謂之頻婆糧

林檎



# 林檎

林檎一名來禽一名蜜果一名文林郎果一名冷金丹

元氏長慶集林檎

花一名月臨花

生渤海間以柰樹搏接二月開粉紅

花子如柰小而差圓六七月熟色淡紅可愛有甜酸二  
種有金紅水蜜黑五色甜者早熟而味脆美酸者熟差  
晚須爛方可食黑者色如紫柰有冬月再實者性甘溫  
下氣消渴多食脹滿或云食多覺膨脹並嚼其核即消  
一云食其子令人心煩生者食多生瘡癰

學圃餘疏花紅即古林檎

王羲之帖青李來禽子皆囊盛為佳函封多不生

物類相感志林檎樹生毛蟲埋蠶蛾於下或以洗魚水澆之即止

欽定四庫全書

欽定授時通考

蘋果



# 蘋果

蘋果

按本草不載蘋果而釋名云一名頻婆梨採蘭雜志學圃餘疏頻婆入當屬此名蓋與杏一類二種

也

出北地燕趙者尤佳接用林檎體樹身聳直葉青似林檎而大果如梨而圓滑生青熟則半紅半白或全紅光潔可愛玩香聞數步味甘鬆未熟者食如棉絮過熟又沙爛不堪食惟八九分熟者最美

採蘭雜記燕地有頻婆味雖平淡夜置枕邊微有香氣即佛書所謂頻婆華言相思也

學圃餘疏北土之頻婆即花紅一種之變也吳地素無  
近亦有移植之者





山櫨



# 山櫨

山櫨

一作查其味似楂故名

一名棠棣子 一名羊棣

棣字之誤

一名山

裏果 一名茅櫨 一名猴櫨 一名鼠櫨

本草云生於川原茅林中猴鼠喜食

之故有

一名杔子 一名槩梅

爾雅云杔槩梅

一名赤瓜子

本草云當

作赤棗櫨狀似赤棗虞衡志有赤棗王珍百一方云山裏紅果俗名酸棗正合此義

其類有二種

皆生山中一種小者樹高數尺多枝柯葉有五尖色青


背白極間有刺三月開小白花五出實有赤黃二色九

月熟其核狀如牽牛子色微白映紅甚堅一種大者樹

高丈餘花葉皆同但實稍大而色黃綠皮澀肉虛初甚  
酸澀經霜乃紅可食出滁州青州者佳為消滯要藥語  
云山楂有爛肉之功小者為棠杔子茅楂猴楂堪入藥  
肥大者為羊杔子可作果食入藥者切四瓣去核曬乾  
收用



枳椇



# 枳椇

枳椇一名蜜楸

音止矩

一名蜜屈律

皆屈曲不伸之義此樹多枝而曲其

子亦拳曲故名

一名木蜜一名木珊瑚一名雞距子一名雞爪

子一名樹蜜一名木餉

味美如餉蜜

一名白石一名白實一

名木石一名木實木高三四丈葉圓大如桑柘夏月開

花枝頭結實如雞爪形長寸許紐曲開作兩三岐儼若

雞之足距嫩時青色經霜乃黃嚼之味甘如蜜每開岐

盡處結一二小子狀如蔓荊子內有扁核赤色如酸棗

仁形

禮記曲禮婦人之贄棊榛脯脩棗栗

爾雅翼古者人君燕食所加庶羞凡三十一物棊其一也又為婦人之贄荆楚之俗亦鹽藏荷裹以為冬儲今不以為重賤者食之而已

羣芳譜今山西甚多俗名拐棗





蒲萄



葡萄

葡萄古作蒲桃又作蒲陶苗作藤蔓而極長太盛者一  
二本綿被山谷間三月間開小花成穗黃白色旋著實  
七八月熟可生食可釀酒最難乾不乾不可食今太原  
平陽皆製乾貨之四方西北人食之無恙東南食之多  
病熱其根莖中空相通暮溉其根至朝而水浸其中故  
俗呼其苗為木通澆以米泔水最良以麝入其皮則葡  
萄盡作香氣以甘草作針針其根則立死

種樹書葡萄欲其肉實當栽於棗樹之旁於春鑽棗樹上作竅子引葡萄枝入竅中透出至二三年其枝既長大塞滿樹竅便可斫去葡萄根托棗根以生便得肉實如棗北地皆如此法種

羣芳譜水晶葡萄

量色帶白如著粉形大而長味甚甘而番者更佳

馬乳葡萄

形大而長味甘

紫葡萄

黑色有大小二種酸甜二味

綠葡萄

出蜀中熟時色綠出而番者名

兔睛勝糖蜜無核尤異品也

瑣瑣葡萄

出西番實小如胡椒今中國亦有種者

雲南出

者大如棗味尤長唐史波斯國所出大如鷄卵也

又種植取肥枝如拇指大者從有孔盆底穿過盤一尺於盆內實以土放原架下時澆之候秋間生根從盆底外截斷另成一架澆用冷肉汁或米泔水又收藏北方天寒初冬須以草裹埋地中尺餘俟春分後取出卧置地數日然後架起子生時去其繁葉使霑風露則結子肥大

廣羣芳譜今塞外有十種葡萄曰伏地公領孫哈蜜公  
領孫哈蜜紅葡萄哈蜜綠葡萄哈蜜白葡萄哈蜜黑葡

葡萄  
葡萄  
蜜瑣葡萄  
馬乳葡萄  
伏地黑葡萄  
伏地瑪瑙葡萄

欽定授時通考卷六十三

欽定四庫全書薈要卷一萬七百二十七

子部

欽定授時通考卷六十四

農餘

果二

棗

酸棗

柿

杼柿

軟柿

木瓜

楨櫨

安石榴

栗

石栗

榧

榛

松子

核桃

銀杏



欽定四庫全書



欽定四庫全書

棗



棗

棗一名木蜜皮麤葉小面深綠色背微白發芽遲五月  
開小花淡黃色花落即結實生青不堪食漸大漸白至  
微見紅絲即堪生啖熟則純紅味甚甘甜王禎農書云  
南北皆有然南棗堅燥不如北棗肥美生於青齊晉絳  
者尤佳能開胃健脾可久留生熟皆可食多食生熱令  
人齒黃病齲齒

詩豳風八月剝棗

禮記內則棗曰新之

疏棗易有塵埃恒治拭之使新

左傳女贄不過榛栗棗脩以告虔也

疏取其早起者也

齊民要術旱澇之地不任稼穡者種棗則任矣

羣芳譜種類甚多有壺棗

爾雅云棗壺棗註云今江東呼為棗大而銳上者為壺棗

猶瓠也

鹿盧棗

爾雅云邊要棗註云子細腰今謂之鹿盧棗

白棗

爾雅云擠白棗註云即今

棗子白乃熟

揚徹齊棗

見爾雅註云未詳

羊棗

爾雅云道羊棗註云實小而圓紫黑色今

俗呼之為

大棗

爾雅云洗大棗註云今河東倚氏縣出大棗子如雞卵

蹶洩棗

爾雅

羊矢棗

云蹶洩苦棗

無實棗

爾雅云哲無實棗註云不著子者

還味棗

爾雅云還味拾

棗註云還

感谷棗

一名大白核小肌肥

穀城紫棗

長二寸

西王母棗

味短味

大如李核三月

夏白棗

出洛陽

墟棗

出汲郡一名安益棗

信都大棗

熟在衆果之先

梁國夫人棗三星棗駢白棗灌棗狗牙棗雞心棗牛頭

棗獼猴棗夕棗崎廉棗

以上十六名並出廣志

棠棗玉門棗

並出西京

記樂氏棗

齊民要術云出青州豐肌細核多膏肥美為天下第一相傳樂穀破齊時從燕來齊所種

也

羊角棗

詳見後鄭中記

御棗

味最美出安邑

窰坊棗

味佳出應天府窰坊門內

無

核棗

實小核僅有形食之不覺出青城縣

氏棗木棗丹棗鶴珠棗

出天台閭閻真

人以致

元帝

又分栽選味佳者留作栽候葉始生取大棗傍條二三尺高者移種棗性硬其生晚芽未出移恐難出三步一行行欲相當如本年芽未出弗遽刪除諺云棗樹三年不算死亦有久而後生者

又修樹每元旦日未出時反斧斑駁椎之謂之嫁棗不椎則花而不實斫之則子萎而落候大蠶入簇以杖擊

其枝間振去狂花則結實多

又收棗棗全赤即收撼而落之為上半赤而收者肉未  
充滿乾則色黃而皮皺將赤味亦不佳全赤久不收則  
皮硬復有鳥雀之患一法將纔熟棗乘清晨連上枝葉  
摘下弗損傷通風處晾去露氣簡新缸無油酒氣者清  
水刷淨火烘乾待冷取淨穉草曬乾候冷一層草一層  
棗入缸中封固可至來歲猶鮮

又曬棗先治地令淨有草則令棗臭駕箔椽上以無齒

木扒聚而散之日二十度乃佳夜不必聚得霜露氣速成如有雨則聚而苦之五六日選其紅軟者上高廚暴之降爛者去之否則恐壞餘棗其未乾者曝曬如法又作乾棗新菰蔣露於庭以草鋪上厚三寸覆以新蔣凡三日撤覆露之畢日曝取乾納房中每一石以酒一升漱著器中密泥之可以經數年不壞

酸棗

附

羣芳譜酸棗一名棰小而圓如茨無大樹實生青熟紅



欽定四庫全書

柿

卷六十四



# 柿

柿赤實果也樹高大枝繁葉大圓而光澤四月開小花

黃白色結實青綠色八九月乃熟紅柿皮深紅而多核所在皆有黃

柿生汴洛諸州朱柿出華山似紅柿而圓小皮薄可愛味更甘珍著蓋柿蒂下別有一層

牛心柿狀如牛心蒸餅柿狀如市賣炊餅八稜柿大而稍扁劍南尤溪柿處州松陽柿

尤為奇品塔柿大於諸柿去皮挂木上風乾之佳

種樹書柿樹接桃枝則為金桃柿子接及三次則全無

核

羣芳譜種類甚多大者如櫟其次如拳小者如鹿心鴨  
子雞子生者澀不堪食其核形扁狀如木鱉子而堅根  
甚固謂之柿盤世傳柿有七絕一多壽二多陰三無鳥  
巢四無蟲蠹五霜葉可玩六佳實可啖七落葉肥大可  
以臨書多食引痰日乾者多食動風同蟹食腹痛作瀉  
食柿飲熱酒令人易醉或心痛欲絕

枰柿

附

枰柿一名漆柿一名綠柿一名青枰一名烏枰一名花

枰一名赤棠柿乃柿之小而卑者生江淮宣歙荆襄閩  
 廣諸州雖熟亦深綠色大如杏味甘可生啖搗碎浸汁  
 謂之柿漆可染習扇諸物

軟柿附

軟柿本草云生海南樹高丈餘子中有汁如乳汁甜美其本類柿而葉長但結實小而長乾熟則紫黑色一種小圓如指頭大者味尤美其樹接柿甚佳

木瓜



# 木瓜

木瓜一名楮

爾雅云楮木瓜註云木實如小瓜酢而可食本草云木瓜之名取此義也

一名

鐵腳梨

清異錄云木瓜性益下部若腳膝筋骨有疾者必用焉故方家號為鐵腳梨

樹如柰

叢生枝葉花俱如鐵腳海棠可種可接可以條壓葉光而厚春末開花紅色微帶白作房實如小瓜或似梨稍長皮光色黃上微白如著粉津潤不木者為木瓜香而甘酸不澀食之益人醋浸一日方可食生不堪噉處處有之山陰蘭亭尤多而宣城者為佳本州以充土貢故

有宣州花木瓜之稱西洛木瓜味和美至熟青白色入藥絕有功勝宣州者味淡性酸溫無毒去濕和胃強筋骨治脚氣霍亂大吐下轉筋不止枝葉根皮煮汁飲並止霍亂吐下轉筋療脚氣枝作杖利筋脈核治霍亂煩燥氣急花治面黑粉滓

羣芳譜種法秋社前後分其條移栽次年便結子勝春栽者

檳櫨

附



羣芳譜檳櫨一名瘡櫨一名木李一名木梨木葉花酷  
類木瓜但比木瓜大而色黃李時珍曰乃木瓜之無重  
蒂者也

# 安石榴



# 安石榴

安石榴

種出安石國故名

一名若榴

廣雅云若榴石榴也丹實垂垂若贅瘤也

一名

金罌

華衡云吳越王錢鏐改榴為金罌

有甜酸苦三種單葉者旋開花

旋結實花托即榴不結者托尖小千葉者不結實甜者

甘溫溫無毒可食潤燥制三尸蟲理乳石毒但性滯戀

膈多食生痰損肺黑齒服食家忌之酸者性溫溫無毒

兼收斂之氣只堪入藥陳久更良榴實圓如毬頂有尖

瓣大者如杯皮赤色有黑斑點皮中如蜂窠有黃膜隔

之子如人齒白者似雪淡紅者似水紅寶石紅者如硃

砂淡紅潔白者味甘紅者味酸秋後經霜則實自裂有

富陽榴

實大者如碗

海榴

樹僅二尺栽盆中結實亦大直垂至盆堪作美觀

黃榴

結實

甚多最易傳種

河陰榴

瑣碎錄云河陰出榴名三十中問止有三十八子也

酉陽雜俎南詔石榴皮簿如藤紙味絕於洛中

本草水晶榴

子白瑩徹如水晶味亦甘

苦石榴

抱朴子云生積石山或云即山石榴也

山石榴

形類榴而小不作房生青齊間蜜漬以當菓甚美

廣羣芳譜石榴不結子者以石塊或枯骨安樹叉間或

根下則結子不落



栗



栗

栗木高三丈極類櫟四月開花青黃色長條似胡桃花實有房彙大者若拳小者若桃李苞生外殼刺如蝟毛其中著實或單或雙或三四少者實大多者實小實有殼紫黑色殼內膜甚薄色微紅黑外毛內光膜內肉外黃肉白八九月熟則苞自裂而實墜宣州及北地所產小者為勝陸璣詩疏曰栗五方皆有周秦吳揚特饒惟漁陽及范陽生者甜美味長他方不及本草圖經云宛

州宣州最勝燕山栗小而味最甘蜀本圖經云板栗雖

栗茅栗

似板栗而細如榛子其樹雖小葉亦不殊但春生夏花秋實冬枯為異綱目云即兩雅所謂朽

栗也一名栲栗可炒食之

衍義云湖北有一種旋栗

項國未大即榛栗長榛子形也

詩鄘風樹之榛栗

禮記內則栗曰撰之

疏栗蟲好食數數布陳撰省視之

夏小正八月栗零

傳零也者降也降而後取之也



齊民要術栗種而不栽栽雖活尋死栗初熟離苞即於  
屋內埋濕土中埋須深勿令凍路遠者以革囊盛之停  
三日以上及見風日則不可作種至二月芽生出而種  
之芽向上乃生根既生數年不用掌近三年內每到十  
月常須草裹至二月漸解不裹則易至凍死仍用籬圍  
之其實方而匾者他日結子豐滿樹高四五尺取生子  
樹枝接之

種樹書採栗時要得披殘明年其枝葉益茂

石栗

附

客燕雜記京師佳果栗三霜前栗盤古栗鷹爪栗種類頗多總之味鹹氣溫無毒主益氣厚腸胃補腎氣治腰脚無力破瘰癧理血當中一子名栗楔治血更效生則動氣熱則滯氣唯曝乾或火煨汗出食之良百菓中最有益者小兒不宜多食難尅化患風水病者忌以味鹹也

南方草木狀石栗樹與栗同但生於山石罅間花開三

年方結實其殼厚而肉少其味似胡桃仁

榧



榧

榧一名梭子一名赤果一名玉榧一名玉山果生永昌以信州玉山者為佳本地人呼為野杉木大者連抱高數仞其木有雄雌雄者花而雌者實其木形如栢木理似松細軟堪為器用葉似杉冬月開黃圓花結實如棗核大如橄欖無稜而殼薄黃白色其仁肉白外有一層黑麤衣小而心實者尤佳一樹可下數十斛味甘平澀無毒治五痔去三蟲輕身明目煮素羹味更甜美同甘

蔗食其滓自軟猪脂炒榧黑皮自脫性熱同鷄肉食令人上壅生斷節風同綠豆食殺人忌火氣

爾雅翼被實去皮殼可生食亦煖而收之可以經久

本草會編一種麤榧其木與榧相似但理麤色赤其子稍肥大頂圓不尖

羣芳譜收藏以盛茶舊磁甕收之經久不壞欲種以二月下子



# 榛





# 榛

榛

古作栗本草云從辛從木俗作莘者誤

生遼東山谷樹高丈餘子如小

栗李時珍曰榛樹低小如荆叢生冬末開花如櫟花成  
條下垂長二三寸二月生葉如初生櫻桃葉多皺文而  
有細齒及尖其實作苞三五相黏一苞一實實如櫟實  
上壯下銳生青熟褐殼厚而堅仁白而圓大如杏仁亦  
有皮尖然多空者諺曰十榛九空陸璣詩疏云榛有兩  
種一種大小枝葉皮樹皆如栗而子小形如橡子味亦

如栗枝莖可以為燭詩所謂樹之榛栗者也一種高丈  
餘枝葉如水蓼子作胡桃味遼代上黨甚多久留亦易  
油壞種法與栗同味甘平無毒益氣力實腸胃調中不  
饑健行甚驗遼東榛軍行食之當糧榛之為利亦大矣  
禮記曲禮婦人之贄棋榛脯修棗栗  
註榛實似栗而小關中廊坊甚多



松子



# 松子

松子本草云松實狀如豬心疊成鱗砌秋老則子長鱗裂惟遼海及雲南者謂之海松子馬志曰海松子狀如小栗三角其中仁香美當果食之亦代麻腐食之與中國松子不同蘇頌曰松歲久則實繁中原雖有小而不及塞上者佳好也吳瑞曰松子有南松北松華陰松形小殼薄有香新羅者肉甚香美李時珍曰海松子其樹與中國松樹同惟五葉一叢者毬內結子大如巴豆而

有三稜一頭尖爾馬志謂似小栗殊失本體

東坡雜記十月以後冬至以前松實結熟而未落折取并萼收之竹器中懸之風道未熟則不生過熟則隨風飛去至春初敲取其實以大鐵鎚入荒茅地中數寸置數粒其中得春雨自生自採實至種皆以不犯手氣為佳松性至堅悍然始生至脆弱多畏日與牛羊故須荒茅地以茅陰障日若白地當雜大麥數十粒種之賴麥陰乃活須護以棘日使人行視三五年乃成五年之後

乃可洗其下枝使高七年之後乃可去其細密者使大  
大略如此



核桃





# 核桃

核桃一名胡桃一名羌桃樹高丈許春初生葉長三寸兩兩相對三月開花如栗花穗蒼黃色結實如青桃九月熟時漚爛皮肉取核內仁為果北方多種之以殼薄仁肥者為佳廣志云陳倉胡桃薄皮多肌陰平胡桃大而皮脆急促則碎味甘氣熱皮瀟仁潤治痰氣喘嗽醋心及厲風諸病今往往以之下酒則昔人所云食多動風動痰令人惡心脫鬚眉及同酒多食咯血者妄也或

素有痰火積熱者不宜多食耳大抵留皮則消滯去皮則養血潤血微和鹽食更佳能通命門利三焦益氣養血與破故紙為補下焦腎命之要藥

羣芳譜種植選平日實佳者留樹上勿摘俟其自落青皮自裂又揀殼光紋淺體重者作種掘地二三寸入糞一碗鋪片瓦種一枚覆土踏實水澆之冬月凍裂殼來春自生下用瓦者使無入地直根異日好移栽也

便民圖要以粗布袋盛挂風面處則不膩收松子亦用

此法



銀  
杏



# 銀杏

銀杏一名白果一名鴨腳子

本草云葉似鴨腳故名宋初入貢改呼銀杏因其形

似杏而核色白也

處處皆有以宣城為盛樹高二三丈或至連

抱可作棟梁葉薄縱理儼如鴨掌面綠背淡二月開花  
成簇青白色二更開旋即卸落人罕見之一枝結子百  
十狀如小杏經霜乃熟色黃而氣臭爛去肉取核為果  
其核兩頭尖中圓大而扁三稜為雄二稜為雌其仁嫩  
時綠色久則黃其樹耐久肌理白膩術家取刻符印云

能召使鬼神氣味甘微苦平澀無毒生食解酒降痰消  
毒殺蟲熟食溫肺益氣定喘嗽搗汁浣衣去油膩食多  
壅氣臚脹昏頓三元延壽書言白果食滿千顆殺人昔  
有歲飢以白果代飯食飽次日皆死小兒食多昏霍發  
驚引疳同鰻鯪食患軟風

墨客揮犀銀杏葉如鴨脚獨窠者不實偶生及叢生者  
乃實

羣芳譜種植須雌雄同種其樹相望乃結實或雌樹臨


水照影亦可或於雌樹鑿一孔納雄樹木一塊以泥之亦結子

又移栽春分前後先掘深坑水攪成稀泥然後下栽子掘時連土繩縛牢不令散碎則易活

又熟時以竹篾籬樹本擊篾則銀杏自落

欽定授時通考卷六十四





總校官庶吉士臣侍朝

校對官檢討臣李學錦

。 謄錄舉人臣王會燕

繪圖謄錄臣王王海